

天

真

閣

集

天眞閣詩卷二十九

詩二十九

昭文 孫原湘 子瀟

旃蒙作噩

雪晴誌喜

凍積一庭玉嫩晴微弄殘向南雖見覘直北更凝寒四野波全汎千家淚未乾瓊樓最高處猶作夜光看

水仙

真漫相逢賦洛神翛然風格更天眞空靈肯託凡間土飄渺疑來世外人捉月前身原近水凌波微步不生塵蓮花尚帶拖泥相脩到湘妃是此春

桃花夫人曲

桃花嫣然蔡侯妬桃花爛然息侯怒桃花不言楚王悅桃花一

言蔡侯滅桃花不死非浪生枝頭有子春無聲不見鄒夫人假手宋公終復鄒莒國婦授意齊人遂亡莒吹簫進履能復讐桃天重賦奚足羞阿誰忘讐敢萬舞桃花雨泣不受蠱

送人

惄惄東風卷倚闌送人天氣倍春寒憐才也覺鍾情累學道方知割愛難花賞半開畱後約酒霑微醉忍餘歡連宵燈影纏綿裏只作尋常聚首看

謁吳桓王廟

漢室傾危際何人翼戴功中原爭角逐討逆最英雄紹古桓文卽戎雲易依哲舅部曲返先公奮擊摧王朗奇兵破笮融鯨波志承家武烈風氣真吞海內威直震江東涕泣初干術難遂齊解甲牛渚獨彎弓正禮全師遁揚州列郡空貔貅豈艸野雞

犬竄榛叢詎意將軍肅能教士卒同令無侵萊茹號不藉萼翦  
時雨從天降歡雷動地中受降如故舊納諫是明聰乘勝趨吳  
會連屯靖潰訌春霆擊嚴虎秋籜埽錢銅僭號聞當路馳書責  
效忠猶兒寒賊膽龍首屈臣躬夏口黃擎盡荆南表冠窮許田  
誠奉駕炎祚復光隆大義披肝膈先聲振曠寥隧寧求帝制鼎  
豈問王宮惜縱微行騎潛遭伏弩蟲犀鋒雖冠世鴻業未圖終  
廟貌瞻榱桷神靈仰岱嵩冕旒滋闇淡松檜鬱龍葱追憶勲猷  
壯宜膺祀典崇風流夸二婿猛銳匹重瞳戎服談經史韶顏習  
戰攻事咨櫓枕客拜下葛巾翁妖妄除于吉童牙拔呂蒙載喪  
仁釋怨竿影信由衷早射徒林兕難占渭水熊肇基歸俊弟遺  
畧授羣工火德衰餘燭丹心勇貫虹紫鬚蕃魏日幽憤射璇穹

蠻磯靈澤夫人祠

漫認鴛鴦是兩雄銀刀如雪洞房中能馴夫婿蛟龍氣未脫諸  
兄獅虎風趙姊無家恩已絕湘妃有國寢難通此心可照江流  
水羞並懷羸入晉宮

書闌

落花冥寂雨聲繁午枕拋書手倦翻插架瓊籤三萬卷何曾載  
我意中言

寄變元

有約來時竟不來蕭蕭寒雨漏蒼苔玉梅開煞無心看卻繞花  
前日幾回

春陰

春來不斷雨兼風總被濃陰蔽太空青帝但貪雲旖旎黃金難  
買日曠朧夜容星斗三霄現曉失湖山萬象蒙可惜好花開斂

灑何曾得意逞新紅

花朝馬鞍山下尋舊遊

失喜晴光好行行入翠微春來腰腳健老去友朋稀山煙態初  
潛梅殘香轉肥出林新峽鶯得意向人飛

訪椒畦

八十猶將母人間福大奇作園如淡畫憂國亦良醫閣勢水廻  
抱窗光山合離梅花與人意別去耐思惟

朱石梅山人砂胎錫壺銘

復初鏤錫龔春搏砂別出新意妙參兩家範金合土雕文刻花  
城郭內外金湯蔽遮壺嶠方圓瓊漿就賒放之中冷千金可誇  
飲至策勲九錫載加疇其匹之碧山銀槎

載書訪友圖

艤枝閒趁白鷗羣伊軋聲柔隔浦聞一片詩情搖蕩煞垂虹明  
月剝溪雲

吳江楊辛甫茂才

秉桂

遊如皋水繪園有感於辟疆往

事作訪影梅菴圖乞題

圖係王  
叔畦作

老筆蒼涼繪水痕鷗雲雅樹易黃昏玉笙吹月人何處招煞梅花扇底覓

奩豔消殘鏡粉空青蓮小寢化西風秋棠開徧無人管自滴空階冷雨紅

春泛

蘭橈宛轉蕩中流春色偏濃在兩頭芳艸緜沉千古寢桃花紅帶幾生愁因緣偶聚香邊蟬身意都閒物外鷗曾與故人游歷處消魂豈獨水西樓

傳說

傳說南風上水槎  
滿河新水長魚鰐  
境耽寂歷偏聞雨  
春過清明莫看花  
一角紅樓仙世界  
幾堆青史寢生涯  
紛紛蝶鬧蜂喧  
裏知道閒愁有幾家

送二蔣生北行徃謁河帥

雨中送客倍淒清  
愁絕將行尙未行  
故里尊鱸非久計  
漫途風窟有先聲  
決渠誰主河防策  
轉漕翻思海道行  
此去淮流春漲淺  
輕帆且落射陽城

維摩寺觀未開海棠

好花纔得半含時  
蓓蕾聰明孕滿枝  
天女未來香不散  
春心欲動道能持  
物從盼望偏饒味  
事待圓成轉幸遲  
就便良緣慳再見  
已邀紅豆慰相思

雲水禪居爲淨圓說偈

朝雲暮雲不過瞬息前水後水不過一滴如雲映水水無所得  
如水挂雲雲無交涉塞郤水原埽盡雲迹冥坐虛空是大了徹  
算春和猶卿作

苦被流鶯喚出門眼前何處不消魂輕雲過水春無迹小雨拋  
晴淚有痕峽蠶生涯飛亦艱醉醺心事醉難論綠陰染徧天涯  
路誰認東風舊日恩

題平叔漣姿洋集

奇氣文章微外傳直將風雅續圖編雞籠地控諸番險澗背天  
包大海圓小范胸藏兵十萬新城手削牘三千龍門一奏鯨波  
息何待樓船擊水仙

題曉窗讀易圖

碓雞一聲萬物攪焦螟營巢蛣蟻飽澄心獨尋一畫初冥索黃  
曾洞青杳陰陽交變張口吞埽郤落葉尋天根文康老親不識  
字璫璐籠眼看乾坤

### 閩中謡

閩人說二事韻其言以備采風

### 臺灣米

閩地山多田有幾閩人仰食臺灣米臺灣人有米難變錢貿易所  
賴漳與泉一朝官符若雷迅臺米驅商北方運民糴民糧官有  
禁尤禁流通入鄰郡上戶糴封五千石中戶封千下戶百傾爾  
廩倒爾困免封一石須免銀米色要高米價賤運上天津恐霉  
變米乾米潮在更口價低價昂在官手官吏橐滿民廩空廩底  
還怕官來封漳人泉人望洋泣白浪如山無米糴雪白番銀喚

不得

龍巖蘭

州人產蘭若產女女苦賠錢花更苦州官徵蘭若徵田田有蠲免花不蠲小戶十封大戶百一封四金有定額東家納花嫌太瘠西家納花嫌已坼非關瘠坼不中程官不要花但取值但取值非官墨官自買花上供國正額一盆副十盆餘者還奉大吏尊一處不到防一暝舟車腳力尤紛紛蘭花累官實累民人家無田花有稅龍巖十家九家累花香熏得官吏醉香裏飄來萬民淚頑地只產生黃金願天勿生花素心

紀事

狂飈橫捲五犀牛百萬生靈一夕休省費獨持方進議築防曾斥許楊謀人功只護三秋險天意無分四瀆流民盡爲魚官束

手宣房誰解

聖人憂

預參河議有孫禁只道張戎勝李尋回護防秋師友誼躊躇國  
用老臣心羽淵暫免黃熊殛瓠子空教白馬沉郤看嚴家穿井  
法一條龍首萬黃金

不信桃花水轉枯輓輸真似上天衢別疏清派謀非易倒引黃  
流計本迂飛雪難爲三限法凌風空聽萬人呼相公獨任賢勞  
事贏得嚴霜滿鬢顚

元臣一疏抗幾先滄海雲帆轉潤便漫議六渠修鄭國未妨萬  
里試張瑄蛟龍那敢仇星使島嶼何愁匿水仙盡散櫂師歸荷  
鋤杞人無事更憂天

乙酉五月寫梅自遺

玉笛吹雲去渺茫瑤臺前事費思量春風縱有追冤筆難起泥  
中一縷香

絕世丰神下筆難卻思眠去寢中看如何寢也都無影一夜空  
騎雀背寒

雪海冰天不可溫一樓殘紙駐春痕曾窺雙笑花前影只有當  
年冷月冤

踈花幾點著空濛曾許調羹在此中拍徧闌干無哭處自研殘  
淚畫春風

子和舊藏宋刻荀子毛氏汲古物也身後歸之黃蘋圃

失去一冊蘋圃以元鉛本補足子和孫伯元丐諸譙圃  
圃裏圃乃跋而還之爲之作詩

汲古殘書散如繩子和珉之若和璞無端四鳥偶失去玉枕蘭

亭缺其角。龔翁見書重故人裏以縹緲弄珍棗影鈔已費。蛇與  
蛇元槩何嫌。鳬續雀萬物聚散皆雲煙。孫求祖澤何拳拳。蘭卿  
坐索趙氏璧。齊人竟反龜陰田。黃翁嗜古兼嗜義。楚弓楚得非  
偶然。得書勿令蟬便便捧歸祖硯磨須穿。

子和家舊藏清明上河圖長一丈八尺前丈六尺有奇  
絹質粗厚後尺四寸絹質筆仗與前迥異無欵識未  
有慎齋禹之鼎印逢佳印當是失去卷尾慎齋補綴  
完之也按圖始於南宋張擇端元明臨摹者數家尤  
著者爲仇實父此卷莫可審定就其絹質筆意似在  
實父以前消夏無事爲題此詩

開卷似聞汴酒香。春風骀蕩春人忙。四方雲集百貨湊上河。  
一道長哩長清明佳節好。天氣良玆吹臺聳晴霽。香車寶馬雜沓

來想見汴京人物麗趙家八葉誇承平梁園歌舞聞鶻聲乾坤  
忽改金世界焦土一炬阿房傾九哥南渡遙承禪國事議和不  
議戰西湖風月勝蓬池真箇杭州樂於汴臣端慨然離黍憂手  
提淚筆畫汴州士民憮熙物豐阜擾眼那識星旄頭舳艤銜尾  
來中流東南遠致花石綱駟從絡繹辟道周攏鞍得非黼與攸  
妖姬列侍武陵榭貴客醉眠豐樂樓歌臺伎館禊花柳白日恐  
有潛龍遊畫成閣筆一長歎荆棘銅駝目空斷故土難期河北  
還新圖只作南朝玩卽今粉本煙饅餉幾家好事爭臨摹收藏  
尤重十洲筆謂與原作無差殊此卷飄零無款識認得宣和舊  
時事幾回雙眼重摩娑莫把昇平看容易

蔣伯生還自戍所畱京都年餘仍被旨放歸相見

以入關圖屬題

馬前一笑萬花開滿背霜華絕域來

天子亦知寧伯枉夜郎爭看謫仙回  
艤中尙擬邀邊月事過眞如  
躲劫雷羸得僂中奇句滿弓衣

親繡有易臺短衣歸拜二巫祠猶喜邊霜不染髭  
得失儘憑流俗笑踈狂早荷

聖人知官階七品生原定治譜千秋事未遲補罷塞垣詩一卷  
平生只欠故鄉詩

去年伯生書來屬題東山唱和圖既成八詩今伯生攜

圖見示復補兩章

絳雲簾幙控珊瑚鉤調黛風情翠滿樓不是維摩才似海如何天  
女肯低頭

畫舫迎仙出五湖催妝百韻蜀箋鋪定情合子分明在不費珍

珠費慧珠

顧橫波夫人小影

上有龔芝麓兩詩前一章云腰妬楊枝髮妬雲斷電  
鸞語夜深聞秦樓應是春風誤不遣羅敷嫁使君後  
一章云識盡飄零苦而今得有家燈煤知妾喜特著  
並頭花玩前詩則圖作於未歸龔時後作乃旣歸而  
續題也

白門新柳翠籠煙乍起楊枝態尙眠委地春雲梳不得懷人心  
事困人天芝蘿爲作白門柳樂府

眉樓風月易黃昏一閃星眸剪水痕除卻石人心似石此中消  
盡幾人冤

瑠瓈硯匣鏡臺安寫罷雙蛾露未乾他日小銀缸下事並頭先

兆畫中蘭

兩首新詩爲定情滄桑劫後嫁雲英猶香樓外盈盈月郤比秦淮一樣明

定山堂上怯春寒  
鬧埽妝慵髻百盤  
五萬春花齊頤首  
看伊加

上五花冠

人以冠誥讓之

國朝興夫

重攜桃葉溯煙汀  
一角鍾山眼尙青  
多少南朝金粉事  
斷覓鶯

語夜深聽

順治丁酉冀昇挈之  
重游金陵改姓徐矣

畫蘭別有女  
相如錦樹林凋願竟虛占  
盡柔鄉香豔福江南只  
有爾尙書

陳子準輓詩

名撰邑諸生博學嗜古著有六朝水道疏琴川志補注續志等書

人誰不讀書  
人能讀書少  
非抱冤園冊卽供蠹魚飽  
陳君淵默  
人精心事稽討  
尤喜地輿學冥搜極八表  
街衢久削迹閉門若

籠鳥與行萬里塗涉足徑先曉善長注桑經北人畧南考舊筆  
繼昉澄疏睂張南道人誰不讀書君真讀之了讀偏人間書探  
奇去瑤島

我年六十四君年四十六登堂必僵僂執禮甚恭肅及與論文  
章如引繩正木尺寸不少假隱微悉研鞠匪徒資洽聞直諒今  
所獨斯人忽化去索塗瞽失目仲廉馮旣木拱頃儒吳復艸宿  
文成熟與商閣筆自飄覆遙思就孤檠燔棄手削牘淒淒抱青  
琴尋子向幽谷

酌我東籬酒開我西閣門剪紙秋雲中冉冉招君覓疑義重剖  
析微言申討論馮吳配其旁相與倒一尊君家稽瑞樓玉府羅  
瑤琨自從神仙去零落芸香溫縹囊絡蛛絲書牀竈饑鼯達人  
委軀幹豈復栖長恩賢愚共朝露紹述期後昆何如數卷書心

血畱乾坤

伯生竹節硯銘

曆不鄰節自矢以侍君子

夜泊石湖薄藕華而飲卽席戲某秀才

萬頃漣漪露氣澄紅船都是綠鬟凭香憑風互東西界碧與天  
黏上下層四面有花三面酒一湖明月半湖燈調冰雪鴻詩情  
裏消盡中心熱未曾

飲鹿樵家桂花下醉後戲作

西風一夜香滿城洗我竟寢如秋清曉起披衣覽香去西鄰屋  
頭黃雪明與君祇隔一牆住君家花香我墻慶鄉鄰自昔通有  
無我屋無花借君樹乞醯求水須挈瓶扣門告主煩奴星主人  
不知奴不覺風姨暗遞香無形我苦貪癡意不足有若得囉還

望蜀恩向牆頭折一枝分取太倉金一粟長鬚奴子折簡來邀  
我往酌花下醅意在得花轉得酒不辭引滿黃金罍功名富貴  
我何有焉用黃金印懸肘人生得意豈在多但願有花兼有酒  
君家花繁酒復多逢時酌我金叵羅賓朋屢易花屢換衰顏常  
向君前醉我思一尊轉君屈郤恨家貧無長物借君酒杯還酌  
君只當借花來獻佛

題黃蕡圃所藏宋刊唐女郎魚元機詩後

臨安府棚北陸親坊南陳

宅書籍鋪印行本計一弓共十二葉舊爲項墨林所藏

本今歸百宋一屢弓首有余學士集白描小影

易石鏘木隋開皇揚其波者馮瀛王長興監本顯德繼入宋雕  
槧尤精良佞宋主人富搃摭一屢百宋羅古香經史百家旣畧  
備詩山文海搜晉唐校讎規往義迴勝陶淵明集十卷如桃萼原記聞之欣然規往今本作親訂正半雨疑堪商王右丞集十卷山中一半雨樹杪百重泉今本作一夜  
李杜孟韓

長慶白東野寢得兼文房唐求羅隱宋餘許渾悉甄綜書棚善  
本臨安坊豔才尤異李億婦咸宜觀中慧女郎當年焚香禮金  
闕雲情自鬱花長芳誰令明月墮幽隙黃泉紅淚銜溫璋千秋  
玩諷得知已十二紙逾琳瑯龍暝好手老學士追撫仙影瑤  
壇妝手加校勘徧題詠勝如墨林徒弄藏人間此亦無價璇有  
心求得蕡翁黃

去年芙蓉莊红豆花求一實不得黃蕡圃得之郡城  
寺惠然以八顆見寄報之以詩以志永好

一笑開函看珊瑚失豔姿閒徵左思賦高唱右丞辭情比投桃  
重緣偏得寶遲與君盟永好把玩輒相思

去歲胎仙樹花繁實鮮留卻思百年上憇結一枝秋紅豆詩序  
云九月賦  
降時結子  
繼一顆東澗賓筵散西園佛果修由來難得物不在有心求

思補圖爲秦板橋大令

爾馨賦

從來何事不可補女媧鍊石補天宇吳剛磨斧修月戶秦君學  
易年无咎義師古平生事有闕敢惜心力苦不見補衲僧惜寸  
縷補鍋匠無漏補亡羊每憶楚莊辛亥職恒懷仲山甫我進一  
言君記取萬事綢繆未陰雨與其獫髓補朱顏何如避郤水精  
如意舞

八月十四夜寢至一山題詩翠壁之上

花裏樓臺是我家逕來花下醉桃花爛前自吐如蘭氣郤被風  
吹作絳霞

仙人自攜三尺琴行行不覺入雲深偶激清風發長嘯送將明  
月到天心

鹿樵惠建蘭一缸

牆頭吹過妙香來早識西鄰玉魴開甚欲扣門乘爛漫郤愁倒屣轉徘徊芳馨忽荷臨風贈珍重還勞帶露裁相約此心同潔白如君眞不負南陔

祖龍引

一統埽郤諸侯封四海銷盡兵刃鋒智畧誰似秦皇雄五十萬民成五嶺七百儒生一吭盡智計誰似秦皇忍三皇五帝眼底無一世思作萬世圖秦皇之智秦皇愚爾燔詩書滅人智劉項偏生不識字爾防亡秦築長城胡亥郤自膝下生豐西澤中白蛇闖驅涼車中鮑魚臭能造阿房宮殿八百間不能遺神人鞭出三神山虎視六合智無比何意一愚愚至此不見督亢圖喪  
璧子博浪椎逃力士祖龍不到沙邱臺那識世間人有死

秋思

滿徑斜陽自閉門菊花開過瘦無痕西風埽地亂黃葉戶有零  
星秋蟬覓蟲三兩聲

故人墓下

回首寒雲亂石支白楊蕭颯戰秋颶青山縱有重來日碧落應  
無再見期一代鴻才名易盡百年馬鬣事難知他生真箇交期  
在等過今生未是遲

題羅節母墓圖

登彼高峯兮覩冥冥之冤樓若坊而若斧兮巒崿翳之松楸靈  
芝叢生而輪菌兮馴兔潛伏而優游芻蕘顧而慨息兮懿節孝  
之林邱彼節母兮冰蘖沃負土石兮歟十指葬姑及夫已曠時

子承厥志寔於是復營歸眞母旁侍孝思誓無間生死母汪子  
羅少墓字爲此銘者舊史氏

喜晤故人

秋水如天碧渺漫一雙鷗語未盟寒白頭那更經年別青眼還  
同昔日看事久莫尋溫寢艸情深何藉駐顏丹今人翻覆秋雲  
手衆裏輕邀一顧難

小春日過梅園

白雲如水護踈林清磬遙傳一塢深太古松枝如佛臥小春梅  
萼是禪心秋從黃葉聲中去詩向青山淡處尋閒興殘僧說興  
廢滴來寒翠滿衣襟

寒窗課讀圖爲汪秀才作

人生至樂能有幾兒讀耶聽一燈裏此樂兒時不知樂但覺嚴

君苦束縛長成始喜讀父書當年課讀人區虛空將此樂淚墨  
寫詔示世間兒膝下

趙朗山明經

玉

讀書城北道院窗前巨竹數十竿得句

輒鐫其上曰吾以此代殺青越二十載其孤

尤懷復

寓於此尋竹上字不可得泫然流涕乃爲問竹圖以

寄永慕

修篁何嫋嫋古院鎖深翠寒宵鬼唱詩幽咽弄商吹孤兒尋秋  
來抱影耿不寐起追冷月蹤淚珠與簾墜前竹與後竹瀟灑無  
二致前人與後人慈孝本一意前人循竹題以待後人至後人  
歷竹求不見前人字前竹前人心後竹後人淚心迹竹漸減淚  
迹竹常瀆竹或有時伐竹淚成故事春泥衝斑斑人來看孝思

顧橫波夫人畫

一種秦淮舊曰春冰綃渲染出雪精神難將世外幽人味說與春  
明肉食人

趙仲穆畫李岩老人奕我睡圖

兩人逍遙戲橘中一人冥漠遊槐宮子聲鼾聲互相應奕者自  
紛眠者定四腳棋局穩且平一色黑子黯不明希夷老仙來對  
局華胥國手無輸贏彼決勝者徒縱橫機心鬥奕如鬥兵一角  
之勢兩虎爭一子誤下全局傾雌雄成敗瞬息耳斂子而起皆  
空枰何苦鬱鬱勞心旌不如高臥忘其情君不見世事從來一  
棋局世外神仙枕青玉劉興羸蹶只須臾未抵山中春睡足

猛將軍劒歌

吳門陸鐵簫得古劒上有猛如虎三字屬爲作歌  
鐵簫示我三尺鐵寒光射人人凜冽云是將軍虎氣憑風雨牀

頭嘯聲徹將軍桓桓力無敵一劍橫將萬人擊髑髏如葉墮地  
輕殺盡山西河北賊邢紅狼混世王愁鬼猶泣百鍊剛五條龍  
九條龍腥血滿繡霜芙蓉天心厭明亂未已狂冠蔓延張與李  
一逐巴山虎於叛再戰黃陵虎子死賀人龍兵西謄行傳宗龍  
兵巢覆傾賊兵黑壓南陽城一虎難與羣狼爭兵窮矢絕賸一  
劍浴血滿身來巷戰力竭丹心哭向天臣死猶朝君北面叩頭  
未畢刀過頭碧血灑空天地愁百年遺劒士花蝕三字孤忠蝕  
不得攜來拔鞘當青天二十八星皆失色

劉夫人戰韓歌

王仲瞿於偏頭民家得一弓足鳥皮韁上刺綠雲周  
圍蟠以鈎絲相傳周忠武夫人故物記憶爲之作歌  
寶物不論敝與新古物不論僞與真但聞出自忠義人一絲珍

重逾千鈞寧武城亡天地變慟哭一城人巷戰將軍雖死夫人存夫人忠義如將軍銀刀一隊飛紅裙騰身屋脊輕於雲手發一矢斃一賊數十人無一虛鏑將軍身被數百矢矢殺賊人足相抵賊縱火攻紅玉熟煉出紅顏一門烈我聞道州殲賊沈雲英薦邱奪戶畢韜文彼探虎穴全其身忠勇尤讓劉夫人惜不早建夫人城一軍練成娘子兵手提白捍來支檣障賊北去難橫行夫人一死賊心快兩鎮降書馬前拜列鎮盡如寧武難那得飛渡居庸關烏摩一韓忠義照日月與良玉袍皆罕物世人但識香豔名徐月英韞太真穢

讀張璁傳

一犬鳴時羣犬狺敢違公論帝私親恭皇定號無元后濮議開端有宋臣九廟風雷懲逆祀三奸星象示更新羅山老去鈴山

繼原是當年拾唾人

讀楊忠愍劾嚴嵩疏

苦將鐵石鍊忠肝一疏公然撼百鸞受杖未須虯借膽觸邪何必爭爲冠難防藍面如盧杞空剖丹心效比干爭似遜翁耆遜日自書諫艸自燒殘

題姚廣孝像

目光三角相清臞飽記兵書百八珠北郭詩人辭里社西山老佛遜江湖股肱自命扶姬旦面目終慙見女媧曰禳南屏成一笑兩朝麟閣兩紹徒

桃源圖

一灣碧渺難收十二螺鬟百轉幽溪水自流秦歲月桃花不屬晉春秋松篁每聽雲中奏雞犬多從物外遊澹到仙心無著

處紅霞來畫白鷗洲

遲蔣伯生不至卻寄

曰聽河流吼朔風詩人坐老氣如虹莫言杜甫依嚴帥只是羊  
羣慶謝公瓠子漫陳當世務梅花空發故園叢耦耕佳約何時  
踐红豆莊西拂水東

讀漢書董仲舒傳

仰觀青鴻濛隔絕人世迴人力果勝天天意詎能梗局爲春秋  
經如雨識星噴恒星與彗星隱見書必謹仲舒治公羊陰陽務  
推引援天證人事災異數陳請謂有失道徵垂象示懲警改則  
禍亂消否則咎罰準後來繼江都復有向興永推演洪範傳發  
明皇極蘊維時人主心亦多懼災眚幾視天變星與日若響影  
維時宰相臣職猶調燮領咎徵見天文罪引在臣等三公位雖

尊策免事俄頃甚且賜養牛審處令自省自從晉唐來上下遂蒙隱罔知天道彰祇覺古意泯今天去人遠古天去人近腐儒談春秋徒令人齒冷

記東鄉三老語

赴吳墅阻風白茆有邸舍三老一方沃圃炊一門而一面壁坐若重有憂者各道所苦大抵皆涉漕政爲韻其語以詔後來

一日一餐粥而已釜中見水不見米手種汎塘五畝田完郤官糧貿糠粃今年歉收號成熟一畝纔能一石穀一石穀篤米六斗粒粒如珠復如玉五畝額完一石糧我盡三石登倉場是日開倉第一日風者疾縱者側量者實斛者溢搖之築之佐以陽兩石猶難抵一石如珠如玉滿地鋪狼籍祇存三斗餘風縱斛

手恐償福空手無錢易版串歸來抖擻賤分華落得金花與紅

網以賞糧戶

彼捫蠡者色慙怒自憾完糧無號數

自三號以至五十號止三號加三升五十號加五斗

也三號五號爲縉紳十號八號大戶掄號數遞增至五十奇零長短因乎人寡婦孤兒及愚賤不列號者照場面大斛淋尖又其羨斛身敲擊四石鬆塞以柔木榦使空一斛可米六斗容周圍滲漏尤靈龜子乘閒倉吉日往壘稟雖空猶得賞斛身日以大場而日以寬人益踴躍勢益難一石直須三石完苟或爭持如鶴蚌彌尾青旋加爾項

一人而壁吞聲哭爾曹得福不知福完郤官糧百慮消欲完不完心更焦看米來樣盤置曰官親曰內使一盤未已一盤至曰風曰箇逞其志風者雷鳴轉車轂前吐如珠後吐玉箇者雪霏

取粒麤手中如玉泥中珠日莫傳呼官還看舉目畧稱發換  
黑夜崎嶇擔出倉狼藉倉場賸其半糧未納米已虧珠玉且作  
賤好米何處來君不見場無穀益無粟剜肉補瘡苦無肉明日  
硃籤又來捉

雷海青

銅頭鬼擊漁陽鼓梨園樂工淚如雨猶龍奮爪凝碧池催進新  
聲佐胡舞雷海青樂器擲地聲震霆賊欲聽我奏樂聲不如忠  
憤之哭聲好聽西向哭天子在西蜀西向死死猶面天子紛紛  
朝臣受賊辱賴有伶人此一哭勝似秦庭漸離筑

安石工

停刀不肯下玩碑且逡巡此碑是旌賢何以稱寡人此碑是懲  
奸曷爲列賢臣司馬相公名曰奸不知世上何人賢賢耶奸耶

千秋萬歲自有公論傳安民小民何知焉但求民名碑免鑄安  
石工心似石石上不畱名名畱在史冊

施小校

相公心偏向北朝何以正之抽我刀刺雖不中奸竈銷張良副  
車豫讓橋人欲擊敵爾不擊不殺敵者卽我敵我殺我敵憤始  
洩謂我心風我心赤君不見宮中七首鶻脣拭黃袍中藏白虹  
白當著相公拔不得

花雲婢

危城鐵騎圍千疊一女城頭墜如葉背有兒身無翅前荷塘後  
追騎跳身入荷花兒命共花守兒全花則靈花敗妾何有荷葉  
覆兒身荷葉掩兒口荷莖刺妾心荷莖刺妾手抱兒見天子天  
子大歡喜雲兒骨如雲雲兒骨非婢完破卵全趙孤彼程嬰乃

丈夫

梅子真

作吏南昌日陳書北闕年志原匪社稷道豈樂神仙斬馬空思  
劖冥鴻別有天惟應逢子慶遠識共幾先

管幼安

生不逢堯舜吾將安所從無刀除漢賊有力拒秦封自託西山  
算終潛北海蹤子魚魚服矣龍尾乃真龍

哥舒翰紀功碑

安西老將雄無敵十丈豐碑紀殊績行人下馬讀未終歎息功  
名委沙礫少年手持半段槍聲如霹靂驚賊僵一槍一賊向空  
擲鬚奴屠賊如屠羊威加青海白龍見目空萬里無遐荒黃河  
九曲入版籍赤嶺千仞爲垣墻直懸洮水畫天塹邊人不敢窺

邊疆開元天子諭封賞大書樂石辭鏗鏘如何功成耽酒色卻  
認椒房好相識不妨髀肉長逡巡自謂干戈永休息漁陽鼙鼓  
天地驚二十萬衆潼關行將軍主守朝主戰戰非臣罪由朝廷  
身雖負國實被逼一死猶足全其名奈何將軍乃惜死疆場不  
死死賊營立身一敗萬事裂前功有若灰飛傾當時奇謀若渡  
溼劫取佞臣當賊斬事誠快意終屬反不反罪猶應未減論人  
持其平論罪原其情以死責翰無可理以降責翰非不得已雖不  
能學常山斷舌顏杲卿猶勝馬嵬擐甲陳元禮

李鄴侯

方圓局早定文楸衣白來參御幄籌收復山河功范蠡調停宮  
掖智留侯能消烏喙猜嫌志難免蛾眉嫉妬謀何似一爐煨芋  
熟逍遙南嶽碧峯頭

生來骨節自珊然，何肉周妻盡夙緣。  
一枕君王同眷屬，十年宰相誤神仙。  
衣傳黃老殊曹掾，屣脫功名媿魯連。  
不分異香空際起，翻除崔嵬著貂蟬。

韓冬郎

六宮慟哭出都門，學士衣裾帝淚痕。  
朱札三通空艸制，緇郎四入竟忘恩。  
難憑氣力支殘局，賸把心肝奉至尊。  
零落香奩詩一卷，美人一一楚騷冤。

蹉跎

九華深帳十香溫，酒力全消燭半暉。  
吃吃笑忘窗外耳，惺惺啼徹寢中冤。  
仙人承露空餘淚，神女行雲已沒痕。  
贏得蹉跎雙鬢雪，當時輕易受君恩。

探梅

明知消息只如煙何苦衝寒犯雪天縞袂相逢拌耐守青琴獨  
往肯遷延月窺蟾兔初生夜春訪蛾眉未嫁年就使開時看更  
好卻愁見了轉淒然

鸚哥

天生慧舌太聰明學取人言巧變更究竟能言事何益風前鶼  
鷀已無聲

寫梅雜題

每到春風欲動時手研清淚寫相思一枝未了如殘癮只有心  
頭自得知

橫枝清瘦若枯禪幾點疎花轉更妍不分風情衰減日又添惆  
悵似當年

梅不著花寫以自遣

研冰和雪寫珠胎  
頃刻生香滿紙開  
癡絕欲從西舍問  
可曾香過隔墻來

天眞閣集卷三十九終

天圓閣集卷三十

詩二十

昭文 孫原湘 子瀟

柔兆閼茂

積陰

就使春光麗春心已自愁非關朝旭隱其奈凍雲浮陰氣偏侵  
骨和風不轉頭美人何處寢直北是高樓

新春病起招諸生飲

扶出花前小病身東風相勸玉醪醇人耽逸趣官無貴客喜清  
譚士必貧耽政亦須才跌宕食單何惜議逡巡公卿易致閒難  
得甘負心期莫負春

閱史

新法紛更舊政苛敢緣撫字誤催科民間禾黍鴻磬徧海上帆

檣蜃氣多裴相餘縉歸貢庫都侯奇算託溟波六灘三堰何時  
畢愁聽頫年瓠子歌

近傳冤獄上虞民東海還思赤地塵納女叔魚憑買直殺妻張  
將竟通神靈邱暫聽辭高位大樹終看據要津獨有聖明能哲  
惠詔書諱切在知人

鑿潭通漕費軍資詔算繕錢供慶支獨諭青苗違祖法更防白  
著斂民脂人言子夏終無術國有顏淵竟不知歸去莫爲窮鳥  
賦鉛錄風議媿南司

進疏從容學鄭公漫將緘默諷元忠十年紅茄油幢節一種輕  
裘緩帶風諭取勤財見知古事闢失米累元同如何身後浮言  
起郤把朋邪議了翁

自笑

閒居久謝輞紅塵一獨明湖賀季真讀史勝談天下事看花如  
對意中人延年偶喜吟中散子建難忘賦洛神自笑風情太無  
謂煙霞堆裏寢

楓宸

探梅吟

花朝矣梅猶未放爲之感遇

朝探梅紅豆小草探梅紅豆老顛風簸雪二月天勒住南枝不  
容早尋春不得還寢春翩然其來姑射神自言顚頷生不辰無  
由發越花精神與其玉葉徒繁密何似瓊葩莫教苗空有懷才  
抱璞心曾無得意調羹日花乎不遇誠可憐我爲花計轉快然  
不見去年吐秀迎春前燠風一吹花若煙前年逞芳破臘天冰  
雪疊至花先薰今年寒威襲含萼如女待字情貞堅陰陽剝復  
終有待會看珠樹春暄妍若使先開開易萎此時香雪隨流水

躁進何如晚遇佳遲草何傷美人美花之神兮若有思屏芳息  
兮潛幽姿覺春寒之可變亦奚慕乎乘時於是風淅淅雨絲絲  
釀晨陰罨朝曦覺予寢於重衾還起省夫南枝亂曰春過半兮  
梅未花巡朱檐兮感歲華珠潛淵兮益媚玉蘊石兮誰瑕寧韜  
眞於渭水兮母自炫於長沙

春寒

二月階前艸不新畫簾濃罨霧如塵天憑煙雨妝成寢寒替江  
山勒住春欲扣東君程萬里難遮西日馭雙輪寒梅幸是心如  
鐵堅守含葩答大鈞

春分日招眞治古梅樹下纔見數花

知是來猶早其如苦憶君二分天上月一片寢中雲緩覺味逾  
耐靜疑香漸聞年年風乍煩惆悵雪紛紛

重過梅花下春已爛漫

滿枝偕靄抱堅貞苦怨東風不放晴到得盛開祈緩緩始知冰  
雪是深情

幾日新晴颺麴塵紅男綠女競揀春生香肯惹閒襟袖不是尋  
常領畧人

漸覺梢頭弄晚寒夕陽閒與崔盤桓明知坐久無聊甚祇恐重  
來不忍看

莫春行藥至破山寺碧桃花下

翛然清影入煙蘿被體風融骨節和徑熟轉思歧路好山空偏  
覺聚春多諸天寂歷千花笑三月繁華一鳥過閒暇便來愁病  
遣人生那不戀巖阿

觀水嬉作

柳絲煙重不勝狂蕩得春情爾許長照影水非前度綠消䰟風似去年香愁飛蝶外花千點淚滴鷗邊酒一觴畫舫如雲歡笑裏幾人知道有斜陽

自題隱湖偕隱圖

偶然風語鏡臺前竟泛煙波一葉蓮繞屋雲圍高士寢開門詩滿白鷗天梅花世界無凡想芥子園林有小仙若使雙雙圖黻佩負他心事畫眉年

西莊禪院

抱水禪林水樣清開軒西爽撲簾旌山呈名畫無凡筆鳥弄殘詩有變聲酒力助人情跌宕花香如佛語聰明晚風吹我扁舟返翻把閒雲引入城

牡丹時泛舟東鄉諸墅

短櫂夷猶路不遐有鶯啼處有人家逢橋繫纜先沽酒隨處敲  
門可看花白鷺掠波風一面綠蒲照雨港三父只須公著殘紅  
去行盡清溪日未斜

送春詞

綠陰如水溼晴空無數閒愁蕩晚風手欲登臨一尊酒畫樓都  
在夕陽中

落花惆悵柳依依拂了殘香又滿衣胡蝶不隨春共去因風還  
向麥溝飛

明大常少卿完虛翁先生像贊

耽耽大常臺清選如玉含溫如金在鍊有明神宗寬宏納諫  
賜納陰懷言局一變虎豹當關南風交煽小東大東悉受排陷  
公居其閒特立不眩開口生風吐舌如電調劑黨攻彈擊璫爛

言皆碩畫匪以直銜十載披垣承弼是念蜀雖一空激墮雙遺  
晉秩容卿颺輪方輶位不德酬年遽世厭遺像清高肅瞻邦彥  
匪邦之私暉暉史傳

雜詠南史

謝晦

列艦連江旌旆揚此行須不是勤王少文轉惜殊周勃無術還  
嫌過霍光屠弒蛟龍權太恣肅清狐鼠事非常負他嬌女啼紅  
淚恨不橫戶古戰場

王敬則

風雲倉卒起南沙鼓角公然願不賒牆外擲將天子首宮中哭  
出帝王家十年楊柳關情甚一夜鶯鶯作計差畢竟平東平底  
事懊憞琴曲似琵琶

朱賈臣

一日乖龍起楚雲翦除玉葉待將軍抽戈竟忍爲成濟齋藥何  
辭殺子勛建業漫言王氣盡長江難與魏人分慈悲只庇黃羅  
漢毛血紛紛灑雁羣

王琳

紫氣南來結郢雲別開行殿奉新君生擒鐵虎期朝食死守金  
城障夕曛隻手力延梁一綫斷頭恩感敵三軍武康兩代稱良  
史獨漏孤忠百戰勲

首夏虎邱山追憶舊遊

碧雲紅寺晝年年身到圖中郤惘然得意名花皆寢幻無情老  
樹自神仙峨眉屢換三霄月虎氣全沉六代煙綠水橋邊看鬢  
影白鷗相識似從前

由西郭蕩舟至湖橋

殿橋西去盡垂楊儘受東風披拂長半雨半晴山變態一花一艸水含香病軀每到尋詩健倦眼難辭入畫忙擬種玉梅三百樹便須埋骨白雲鄉

小雲栖閣上看雨

縹渺虹梯架閣巍上方雷雨下斜暉天垂湖海青三面寺裏峯巒碧四圍囉樹風清呼崔返護潭雲溼待龍歸東林結習消除未手捉松核代麌揮

薰風中寫梅

能得衝寒幾日香那堪著筆費思量畫中不怕風吹落畢竟虛空意味長

玉鱗泉在虞山西北秦坡澗之上從石竇中涓涓流出

所謂汎泉也穴前窓處約積水二斗許由此而瀉入  
秦坡澗則匯衆流爲瀑布矣取泉者多就懸溜處承  
之以器若越澗而傍汲諸窓則味迥勝然半坎許甫  
盈一器人不耐也少年時與澄之弟就泉而茗戲以  
小盃探手穴中挹取之色白如乳臭如蘭甘冽尤勝  
窓處蓋既透風日則香味殺矣道光六年五月同歲  
生中州周松路瑞令常熟周有茗癖暇日同過其處  
挹而飲之以爲迥出中冷惠泉上屬予爲詩記之因  
歎同一泉耳離穴愈遠則味愈變人之涉歷塵事而  
欲葆其初質者可以思也若夫玉蟬之名相傳穴有  
玉蟬不知何人竊取去荒誕不足論云

靈原孕崇岡細沫出深竇石窟若盤盛石竇似盃覆旋渴雪初

融折落珠始走勢隨飛瀑奔聲與衆壑湊客來調水符爭汲懸  
玉澑肥嵒雖同岑醪體已難糅如探靈穴求味乃勝釀酌中冷  
傳遂公謬未邀名流賞實以僻處漏奈何履真原不識真味透  
氣浮甘淺嘗情急曠小就從來奉虛名皆病不深究心誠求其  
眞鼻選得蘭臭紛紛耳食人自掬鳴泉漱

吳氏牡丹花下婁東周秀才巡斐然有作見贈次韻奉  
答

懶把芙蓉玉闕行漫將瑤艸喚龍畔掉頭官職非高隱脫手詩  
篇愧盛名對客有時還淺醉逢花無奈自深情明知俯仰成何  
事只辦高歌答太平

故人早撰玉樓文香綻因緣又識君秀才爲酒  
客堂高足七子風流恩往

日一花富貴悟浮雲拋除宦興因鯨膾愛情春光與蝶羣歡賞  
莫辭婪尾卮好同紅豔鬪朝醺

偶憶毓文風景因寄方

維翰饒耀南

崔寔

廷輝

四生

月午樓中一輪月三年伴我小蓬萊如今隨我南窗下時引羣  
山入寢來

黃高峯與大洪峯繞閣園屏紫翠濃每到白雲鋪海候隔重秋  
水看芙蓉

饒經方史各縱橫卷籍丹黃照短檠驚起月明仙窟語萬松頂  
上讀書聲

崔郎新學白雲詞日對東風有所思花外一鶯閒聽久滿身微  
雨不曾知

洋山翠接白山長凝絕西齋呂茗香夜半尋詩出門去杜鵑花

赤月如霜

寒士交情霜後葉荒年米價雨餘潮昌生句吟成苦語孟東野淚  
眼日看花柳驕

酬吳氏牡丹花下主人寄詩索和

如此名花定有神眼前富貴足忘貧金錢十萬傾中戶粉黛三千讓太真大塊文章誰主宰一時桃李盡臣鄰東風無數閒蝴蝶沾溉天香未許親

鹿樵邀觀牡丹用前韻戲簡

東皇殘局逞精神繡谷風光足餉貧富媧繁華窮地力貴妃濃豔出天真玉堂身到如傳舍金屋嬌藏有比鄰郤笑羣芳都避面楊花無賴獨相親

月下觀白蓮花

應是神妃洛浦過濛濛香影月相和輕清祇恐爲雲去嬌怯常  
疑受露多生就冰肌能卻暑洗空紅粉獨凌波人間難比傾城  
色鬪取嬋娟只素娥

元人本鍾馗歲朝圖

足韃手版朝天龍翠帶寬除綠袍卸紅氍毹上玉山頽笑折一  
枝香姪妬有妹閨中不早嫁髮如頽雲梳不暇郤令壓綫爲縫  
裳幸不申申女獮驚老馗平時啖鬼如啖炙天上鬼星都駭詫  
胡爲忽作風雅妝路鬼相逢應不怕馗也掀髯笑而謝方今太  
平魑魅化吳鉤三尺擲在旁餓嚼梅花香蘊藉

艸

閱世人如艸青青轉眼空百年能幾日一慶又秋風後碧非前  
碧新叢卽故叢如將涓滴水寄向海濤中

題劉後邨集

香瓣西山憶盛年獨處湯液苦熬煎南園一記應同恨八十詩人老更顛

同時梅楚太錚錚至死心香一瓣擎惟有一齋應把臂葛仙嶺下聽秋聲

林希逸字處齋王相字魯齋

張子和像贊

君之愛書如龍護珠君之讀書如渴就醜味經屋嬌嬈居自爲士歷大夫未嘗一日荒經眷注兩晉之史而有志未逮學六朝之文而充然有餘年未六十歸區墟吁

喜雨詞

朝望雨金烏麗空爍下土草望雨紫蜺連巒嶂天宇踏車四野聲徹宵地澤欲竭人心焦人心焦天心轉雲車馳飈輪戰銀河

一夜傾九霄萬物回青萬人忭老農跂腳聽蛙鳴老婦額手誦  
佛聲吏胥騎顏長官笑新糧舊賦將并征此雨若降一月前人  
知地力不感天此雨更遲一月後天縱能施物不受感人以澤  
貴應時用壯用需皆妄施瘡痍水火滿天下大人布德能安之

卮言

走馬狎章臺閉門圍內陣同此漁色心人嗤鄭合敬

漫刺翼分肥牙籌工布算同此封殖心人敬虞從愿

翁秀才

榮光

僑居震澤四世矣瞻懷先德來遊虞山蔣

霞老爲作尋原圖

湖山符昔寢雲樹識今番流水若相引桃花時欲言艸香生遠  
思泉味辨眞原不忍挂帆去先人之故園

辟纏吟

鹿阿樓氏婦夫死子幼逋負繫纍婦績麻自給且償  
負辛勤十年至晝一目嘗自悼云破壁篝燈一點明  
千絲萬緒理難清傷心續到三更後窗外風聲又雨  
聲爲作辟纏吟

朝辟纏血縷濡妾無夫夫有孤草辟纏心縷枯妾無夫夫有逋  
一絲一寸千心力半給債家半兒食四壁破孤燈熒十指瘃一  
目盲明朝無食向誰告風雨空庭怪鴟咷良人地下自得知秋

墳鬼唱樓家詩

贈雲間馬生卽題其賣雪圖

生工寫生

疏滄水冤煉玉貞松風吹熟一爐春梨花世界梅花味瞞過銷

金帳裏人

閑門僵臥聽春濤一磯湘雲一葉驅四壁萬花低不語人閒還

有九方皋

秋夕

雲化魚鱗解夕陰晶簾高卷絳河沉月臨海宇都成水花落淮南盡散金露氣江山洗兵象蟲聲天地訴秋心閒居無補人閒事愁聽商飈動遠砧

今昔辭

乾隆庚子甲辰 翠華兩幸江浙海內侈侈隆富  
聲伎畢集於京師有宜慶部蜀伶陳銀者色藝冠諸  
部楚伶王桂繼至入萃慶部聲價遂與陳埒兩伶既  
巧於自炫又故傾襟名流以顛倒公卿一時朝貴恒  
遭白眼纏頭之贈千金蔑如也偶於友人席間遇浙  
伶喜慶者神致絕似二伶人都以常伶目之生不遇

時顯晦殊異使余不識二伶亦如雲過眼耳人之遇  
不遇豈不以其時哉爲賦詩九章不能無盛衰之感  
矣

吹過閒雲累太空春明盛事憶乾隆鈞江春色湘江醉殺昆

陵莊伯鴻

武進莊達吉挾萬金京兆試兩月而整

賦出湘雲絕妙詞金題玉軸付裝池方干下第牢騷甚不拜名

卿拜老師

施萬塘侍御學濂傾心於桂字之日湘雲大興方維翰亦字萬塘作湘雲賦桂裝潢錦軸懸之臥室方感

其意踵門執弟子禮

倒意傾情兩萬塘郤輸秋室最清狂教他牕上鉤蘭葉贏得梨

雲滿抱香

桂學畫蘭於余秋室太史集娟楚有致都人士爭購之

三日扁扉刻寫圖閒情爭笑閑貞愚漢陂一碧深千尺化盡高

人傲骨無

閔貞楚中高士也工山水人物尤工寫真有某制府以千金求畫不應幾巾以法人呼閔駿子獨爲銀作

漢碧圖三日始

畢漢碧銀字

雍容車騎返西川猶有消魂王仲先博得海棠輪一笑輕裘如  
雪脫花前銀既還蜀裴馬馳馳居然富人矣王秋汀觀察啓姻彌之演一劇贈五百金副以珍裘

斷紅雙臉暈朝霞寂寞登場舞態斜稱我悲秋寒宋玉獨舒青  
眼看桃花

雲髻梳成臉暈潮東風吹煥雪初消天生一種消魂色不是周

郎是小喬

平生不解鬱輪袍空託微波接漢皋鈎取崇蘭清影瘦勝研殘  
淚畫離騷

小字分明鵲報音萬年枝上露華深蓬山綵筆無聊甚戲寫紅  
箋仿鬱林

畫梅

桃李紛紛鬥艷新孤山閒煞一枝春出門盡是看花客真賞寒  
香有幾人

臺警

爭桑覺起兩比鄰海外烽煙震十聞豈謂復仇無國法漫將和  
難屬調人三軍釋甲看蠻觸一崔乘軒號虎臣誰使燎原遲撲  
滅郤煩

睿算下

楓宸

兩山雄峙虎門高六月樓船下雪濤一范久膺寒賊瞻孤城直  
擬搗紅毛憑陵縱恃狐邱險搜捕難容蟻穴逃猶恐崑崙連玉

石

詔書勤卹

聖衷勞

西師

萬里新疆入版圖連城諸將擁貔貅難禁羊馬滋游牧未料豺狼敢負隅九姓屯營環雪嶺八溝烽火徹星衢安西都護防邊策隔歲

宵衣屢

廟謨

羽檄星馳調六軍旌旗千里蔽燕雲盡煩塞北貔貅士遠伐邊西鳥獸羣神策鏃譽懷巨濟興元七箸憶崇文諸君飽食承平久努力戎行埽寇氛

邊鎮尊嚴頗牧同

九重節鉞授元戎聲援况有楊無敵威信應如郭令公已失明駝收振武漫輕回鶻拜河東一軍中外長城倚疾埽瘡痍慰

聖朝

敦煌沙磧宣烽煙宿將屯兵疏勒泉大眼英名馳北清美鬚雄  
烈震西川征苗績久威三楚定遠功應拓九邊珍重越公風骨  
在長繩早晚縛于闐

冰山山下鼓鼙聲矢盡援窮力戰爭袒裼惠元終不辱疾馳來  
濟久忘生招鬼禮尙加三襚恤後恩還教五兵士卒西征應募  
怨國殲猶得被殊榮

故人持節單讀去于臺城倚南山玉帳開豈謂八軒文學士郤爲  
萬里禦邊才塔班秋氣連天雪戈壁軍聲動地雷西望白雲如  
兔舞幾時清埽拂雲堆此章爲和仙園同年桂作時爲烏什領隊大臣  
燕依木庫車阿奇木伯克鄂對之阿葛插也乾隆二十

三年霍集占之亂諷其夫鄂對迎大兵授誠身爲霍集占所囚屢欲納之不從乘間越城潛遁天兵旣誅霍逆以鄂對爲葉爾羌阿奇木伯克熱依木隨其子鄂斯滿居庫車烏什叛亂羣回洶洶熱依木慮鄂對暗懦五日夜馳三千餘里至葉爾羌鄂對果爲伯克阿渾等迫脅罔知所措熱依木至集衆飲酒議事忽閉門露刃叱盡縛反者衆惶懼乞命乃曉以大義勸衆盡醉而陰遣心腹收其器械馬匹衆始定葉爾羌雄長回部於是聞風者悉解散矣事見西域聞見錄著之詠歌願當世有聞其風而慕之者

龜茲好女顏如玉綠玉回城作金屋生就堅貞玉性情勸郎世食天朝祿惰蘭小醜肆披猖戈壁草湖作戰場兒女粉身糜

磧士宗親碧血染山岡隻軀苦被重城繫風雲隔絕音難寄靈  
感空來振萬聲潔清自守投樓義幸得身輕一鳥飛度水達坂  
山也越重圍王師喜見鯨鯢戮佛洞欣看母子歸明年又起南  
山叛崔吳風聲渭河畔煽動回疆四十城讐鵬惡少爭思亂此  
時家國兩擔愁夫婿依違坐上頭夜扣軍門陳秘計朝馳沙驛  
控騎留桃花馬上芙蓉面路遠如天去如電篝火狐鳴正此時  
美人天上来相見蹙金帳設長筵橐鞬門夜閉明月高妖童舞  
女列相向簾築吹起如秦簫酒半美人按劍起吾力猶能誅殺  
爾敢背天朝豢養恩自取戮屠如犬豕曉日羣酋色灰死我  
等何心至於此願納弓刀武庫中自安耕收深巖裏春風一笑  
霽顏回汝曹且盡瑠璃盃好收野外豺狼性永沐天邊雨露  
培斂回螳臂空拳去大戰長槍盡收貯萬衆同心萬馬瘖奇功

勝似吹簾嫋回鶻。由來貪且瞋。世無李郭誰能馴。只煩片語安  
家國。智出區區一婦人。君不見高涼夫人捍東鄙。繡幘油幢耀  
青史。天生忠義屬蛾眉。又見西陲奇女子。

賞菊吳墅

一徑寒香爛若霞。燒燈重與醺芳華。十年舊雨思前縷。謂項兩  
蟹新霜。對此花老去。銜杯猶跌宕。醉來簪帽任欹斜。明朝料理  
吟秋屐。尋徧前邨處士家。

題郎蘇門侍御

保辰

畫蟹菊余不識。蘇門覩其畫理蕭

散令人陡憶船山當年也。

畫出漁邨十月天。霜螯肥碩鞠清妍。京朝官有江湖縷。如此風  
情憶老船。

雲間馮少眉秀才

承輝

王鐵夫高弟也。四十不得志。隱

於畫以自娛所居偏植梅花自署梅花畫隱屬予作

歌

白雲圍繞梅花居花中有客如梅臞梅花以外百不理閉門便是孤山孤人言風格追林逋平生不爲封禪書有手但作高士畫大癡癡筆倪迂迂花時玉壺貢春好醉墨淋漓對花埽花如含笑來待旁拂拂寒香筆端繞生不期百花頭上開亦不願身作和羹材調脂弄粉香雪裏勝如圖畫麟閣乘雲臺人來索畫不肯畫成自向梅窩挂天然格韵似梅花只換梅花金不賣洗濯水與雪驅使煙與雲胸中日養梅花春九峯三泖煙波際又見梅花盦道人

今昔贊辭

周郎喜慶前詩所謂神似二俗者也娟好如女子而

性特傲風雪縕袍了無忤色有以一狐裘之贈呼之  
有觴者堅拒不應可以風矣

萬喚千呼不出來輕雲作態竟飛回饒他纏臂雙條脫不換當筵酒一杯

嘗於伯淵兄席間見有股雙纏臂贈王湘雲者以郎視之直不屑耳

由寶尙書屈膝公舉朝桃李拜春風誰知傭彊寒梅骨卻在飄零若輩中

通國烏程酒一觴未妨獨醒是清狂霜天月地空明裏鍊得秋花葉盡香

鳳城絲管門紛紛曰下風流豔舊聞我避雀書卿避酒碧天癡絕兩閒雲

錢舜舉畫陶學士琵琶曲卷

水迹雲心事渺然被人偷寫好因緣易逝鴛枕綢繆印難問鸞

膠續斷絃胡婦燕脂持節日黎渴箇黛使金年閒情偶觸商聲  
動豈獨消魂是樂天

附錄

探花使者埽花仙輸意郵亭一夜眠消盡北來名士氣春風  
只在四條絃

彈出相思調最工檀槽紋索太玲瓏鴛衾燭影搖紅夜何似  
銷金煩帳中

戲詠翁仲

衣冠九尺丈夫身自負巍然一大人血淚難回心鐵石紙灰偏  
識氣金銀松楸翳目如長夜桃李盈前負好春除郤同羣羊與  
馬弟兄相對不相親

子夜歌

和風一吹煦便儂心感悅嗅著桃花香疑是歡氣息

歡來偷折花是儂心所許除卻園中丁莫被人分取

明知歡折去香氣占儂先狡鬢達歡意婉轉勸儂憐

西舍蟾輝傾東房蘭燭滅儂家無吠厖歡今放膽折

### 三國志樂府

#### 縛虎急

長安血染千里艸將軍扶漢功再造營門一矢息兩兵將軍爲  
劉心躡明齧虎不得食縛虎何太急白門樓下虎命畢赤兔銜  
悲仰天泣如何大耳兒忘卻射戟時虎能噬賊豈不知賊欲縱  
虎反沮之謂虎殺瞞如殺卓漢鼎猶應不遷洛

#### 拒尊號

一神人在燕分兩紅日摩代郡樂浪守來勸進大司馬堅不聽

紹述瓊度何紛爭一柱獨扶炎祚傾惜哉遽罹白馬寇風雨當天不相救坐譚客惟風流江夏郎徒處優琦琮璋珥皆凡儔若持忠義繩諸劉豫州那得如幽州

報董讐

元惡既梟羣鼠竄倡議復讐誰兆亂郿塢死灰寒復飛妖雲晦擁紅輪西長安城空烏攫肉關中千里鬼畫哭烏虜地軸折天柱傾一言致死百萬之生靈猶稱奇計如良平

納濟妻

軍中忽有桑中喜解甲降人伏甲起黃金欲買車兒心一馬中傷二難死將軍雙戟八十斤手挾兩賊死賊軍戰士先亡尹襄老竊妻空學申巫臣奸雄好色如好兵豈獨銅爵分香情不見下邳橐奪奉先婦蛾眉苦與羈翁爭

女博士

秋塘露冷啼芙蓉  
麗人毀妝不毀容  
長者傾心少者妬  
賓客旁窺阿翁怒  
長秋移寵女  
王糟糠之婦塞以糠  
枲既賤菅蒯葉憂謔畏譏詩  
豫防鏤金作帶明珠鉶妝成日事琉璃硯  
守禮堅辭騎戲觀郤被紅巾來拭面與其芳蘭摧折魏宮中何如拒霜花自戕秋風

白馬河

妖馬鳴白馬浦誰其乘  
曰朱虎淮南將軍太恭齒便欲助彪來  
奪馬叶天意食槽三馬同馬齧槽朽誰能攻  
征南橫尸水艸中  
征東血染臨淮紅不見神祠空呼賈梁道厲鬼何曾殺子充

青頭雞

一馬如彪一馬虎臺中三狗縛如鼠  
優人高唱青頭雞官家雌

伏不敢啼可憐玉雞祥橫遭牝雞謗二虎銜雷勢已成一龍失  
水將安仗悽惶復悽惶勿怨反顧狼呵翁手弑兩龍子子魚逼  
宮亦如此

黃素詔

東海一龍得雲雨才同陳思武太祖柰何妄學魯昭公雲龍門  
前逢逆充龍袍染血刃出背龍龜上天雷雨晦助惡賈元惡馬  
但磔一鼠謝天下攀鬚惟有王尙書沈耶業耶奚足誅

樓桑韻

長桑如葢五丈餘大耳小兒乘葢車蛟龍一朝得雲雨祚桑王  
業開成都臥龍先生佐帝治桑田手種八百株炎興君臣被蠶  
食中原二士揮斤鋤三分之國祇一瞬嘗途高高亦歸晉百年  
誰見苞桑盛

借荊州

東風火燒阿瞞走荊州天落豫州手劉家尺土應歸劉底事吳人爲已有得荊州實有藉據荊州實非借求領荊州牧誠如紅據防塵索荊州還豈曰歸汝陽白衣搖艤夜輕囊紫鬚得之美鬚失乘人不備非仁師阿蒙阿蒙死已遲

孟達書

親非骨肉稱父子義非君臣佩金紫不爲小白重耳奔郤效申生衛伋死或言禍在不救羽或言失制申義舉是皆未識封也謀封豈不知別族爲羅侯備也憲禪也愚千秋神器應歸子焉用區區孟達書惟有武侯慮之熟急勸楚王殺子木

面受履

天宮二月姮娥閉酒人醉向青天嘵羅綺身遭五百鞭芙蓉面

受非刑地撫楹從棠妻袒服戲夏姬宮中事祕誠可疑以疑棄  
婦被國刑誰當國者刑不平是年二月亮出征八月亮卒渭水  
營國無人兮刑罰失不見李嚴致死廖立泣

寢生角

五丈原西將星落前鋒頭長麒麟角軍中水火不能火烈難  
羸水柔弱延如叛國趨中原如何北旆翻南轍反形未著反名  
著頭受足踏千秋冤寢牛角兆三公寢生角兆至凶孰者矜高  
孰威重吉凶在人不在寢彼殺人者狷狹腸家人一卦詫不祥  
舉軍悔不從文長

瞻如斗

璫裹將軍自天降全蜀江山拱手讓雄兒身降心不降竟欲全  
坑北來將白帽者萬白棓千鷄鳴一鼓成非煙不死國亡死兵

害死不得所非憤憤縣竹敗成都潰腹有艾背有會不能回軍  
救其內僥倖奇功出理外功成不成志則在不見一膽渾身如  
斗大

蘭生門

春秋識當塗高漢官名言屬曹一羣蜀吠聲歸歸流傳謬種巴  
西譙禪訓授備訓具悖逆公然大書柱發端實由瓊與羣芳蘭  
一例鉏當門惜哉不逢潞涿君

從周策

北兵來南奔計南中七郡如帶礪左憑安南鎮夜郎右倚巴東  
守自帝士卒一呼作其氣我師負險彼失利既不效田單奮勇  
燒燕兵又不效包胥忠憤號秦庭郤陳微子銜璧狀遽作鄭伯  
牽羊迎北地王死社稷蜀中士怒斫石與其斫石戈自投何不

竟斬譙周頭

傳國璽

將軍忠義包一身口數三罪誅賊臣穰苴惜不戮莊賈養就貪狼亂天下陽人城東裏柱石鐵騎千重圍赤幘不殪元凶目不瞑誰似將軍赤心赤異心乃有紹興述名爲義兵實據竊四海誰爲輔漢人一生自盡勤王節甄官井中傳國璽身若懷之擬天子忠義如公那有此

二喬婿

世間美事不可得兩英雄配兩國色江東照耀起風雲鳳凰文彩鷹揚力一封書討袁術一炬火燒孟德瑜如信策如籍若非秋風玉樹折誓埽中原終殺賊天心不欲漢祚延非關傾城損少年射虎兒雖勝豚犬比似獵兒亦已遠

闔昌門

討虜將軍作天子天下三分自此始東誇遼海入共球西割函  
關備邊鄙今年黃龍見明年赤鳥集符瑞紛紛侈盛德黃金印  
鑄羅陽王蒼龍門外開金堂妖鬟一八雲霞妝神人晤語虛無  
鄉君不見郡城門樓妖妄子鬼錄旣登勿費紙傾城方拜仙人  
鑄仙人頭已懸街市

三公鉏

鼠矢能燭黃門奸不能禁蛾眉漏洩機事先牛酒能謀凶焰戢  
不能禁青蠅拒遏賢臣入太平永安皆庸才熒惑下地彭祖來  
歷易三郎石印開美人邱壠苑中起民間喧傳天子死龍牀者  
誰何氏子烏虧三公鉏司馬如涕泣乃與何植書

徐夫人

石心鐵膽顏如玉嫣然一笑夫讐復讐楠親調奠几筵啼痕拭  
罷旋除服薰我蘇合香埽我合歡牀開窗理雲鬟對鏡施華妝  
府君竊窺視志得疑慮忘左右竊窺視悽惻難忖量府君盛意  
入舍笑相迎將斂衽拜未畢讐人血濺丹霞裳弛我丹霞裳還  
我縗與絰手奉讐人頭祭夫一慟絕令女之節趙娥智史傳牒  
臘軼其事

成子閣

伏食嘲文偉行酒折子布援筆續之驅據案作磨賦才氣幹畧  
誠過人一塵欲埽中原塵山民四郡隸虎翼魏軍七萬沈魚鱗  
今年築東興明年圖新城民勞卒怨功不成白虹已繞車輪行  
犬銜衣屨鈎落鳥鳶攫肉成子閣赫赫功名思衛霍何不十思  
恩付託

三術數

歲在戊必破祖曰當午必獲羽勝算能操不差委計飛蝗射隱伏肉三斤酒一斛借箸前籌不須卜渡江來者三異人豫知東南王氣真聊避禍亂全其身亥子之間大喜慶占驗實過寵與慎何曾覓得封侯印

縛軍師

船中死人忽起立北斗天兵縛人急平生肯負諸葛公涕泣仰天吾死日若從豐謀蓄衆力我居虎穴彼深入若從靚謀殺降卒我壯軍心彼折翼是終勝敗不可必何如一死殉社稷江東覆水不可收丞相碧血凝江流亦足稍掩烏程羞陳壽徒知索米綱與劉諶同漏傳

殘年

就使無風雪羣情怨已深天應忘白日地不湧黃金豐歉非關歲澆淳在此心感時頗慨息豈獨爲蒼黔

題陸遠湖秋山便面

遠湖名愚卿太倉人與余爲中表兄弟工畫此扇作於乙酉秋樹石堅樸有清蒼渾厚之致畫成未及款

識而歿詰嗣子陶屬爲題識爲之惋歎云爾

司農渾厚奉常清繪得秋山雨後情空翠欲飛嵐尙溼郤無一點白雲行